

ՀԱՅՐԵՆԻ ԱՂԲԻՒՐ 3


ՀԱՄԱԴՐԱԿԱՆ ՉԵՌՆԱՐԿ ՀԱՅԵՐԷՆ ԼԵԶՈՒԻ
ԵՒ ԲԱՅԱՏՐԵԱԼ ԸՆԹԵՐՅԱՆՈՒԹԵԱՆ

ՅԱՐՈՒԹԻՒՆ ՔԻՒՐՔՃԵԱՆ

ԳԻՐՔ 3

ԵՐՐՈՐԴ ՏՊԱԳՐՈՒԹԻՒՆ

ԼՐԻՒ ՎԵՐԱՆԱՅՈՒԱԾ ԲՈՎԱՆԴԱԿՈՒԹԻՒՆ
ԵՒ ՆՈՐ ՉԵՒԱԴՈՐՈՒՄ



ԲՈՎԱՆԴԱԿՈՒԹԻՒՆ

Ա.- ԸՆԿԵՐՈՒԹԻՒՆ ԵՒ ԲՆԱՎԱՅՐ 7

- 1. **ԳԻՔՈՐ** - Յովհաննէս Թումանեան 8
- Լեզուական-Գործնական Աշխատանք
- 2. **ԵՐԳԻԾԱԲԱՆԻՆ ՁԵՌԱՏԵՏՐԸ** - Յակոբ Պարոնեան 13
- 3. **ԱՐԱՋԸ** - Աւետիս Ահարոնեան 17
- Լեզուական-Գործնական Աշխատանք
- 4. **ՄԻՆՉԵՒ Ե՞ՐԲ** - Արփիար Արփիարեան 24
- Լեզուական-Գործնական Աշխատանք
- 5. **ԱՌԱՋԱՐԿ ԱՇԽԱՐՀԻ ՀԱՄԱԿԱՐԳԻՉՆԵՐԻՆ** - Պարոյր Սեւակ 32
- Լեզուական-Գործնական Աշխատանք
- 6. **«ԽԵՆԹ»ԻՆ ԵՐԱՋԸ** - Րաֆֆի 37
- 7. **ՄՈԼՈՐԱԿԻՆ ՄԱՅԸ** - Իվան Եֆրեմով 44
- Լեզուական-Գործնական Աշխատանք



Բ.- ՄԱՐԴԸ՝ ԶԳՏՈՒՄ ԵՒ ԻՐԱԳՈՐԾՈՒՄ 51

- 8. **ՃԵՅՐԱՆ** - Գրիգոր Զօհրապ 52
- Լեզուական-Գործնական Աշխատանք
- 9. **ՄՈՒՍԱ ԼԵՐԱՆ ՊԱՏԱՆԻՆԵՐԸ** - Ֆրանց Վերֆել 61
- 10. **ԱՐՏԱԲԱԶԴ ԵՐԿՐՈՐԴ** - Վահան Թէքեան 70
- Լեզուական-Գործնական Աշխատանք
- 11. **ՄԱՆՉ ԸԼԼԱՅԻ** - Զապէլ Եսայեան 72
- 12. **ԹԱՂՈՒՄ ՔԱՋՈՐԴԻՈՅ** - Մկրտիչ Պէշիկթաշլեան 79
- Լեզուական-Գործնական Աշխատանք
- 13. **ՆԱԲԸ ԼԵՐԱՆ ՍՏՈՐՈՏԻՆ** - Կոստան Զարեան 83
- 14. **ԱԲՐԱՅՐԻ ՃԱԿԱՏԱՄԱՐՏԸ** - Դերենիկ Դեմիրճեան 88





Գ.- ԺԱՄԱՆԱԿ ԵՒ ԿԵԱՆՔ

93

- 15. ՆՈՐ ՄԱՆՉՈՒԿԸ** - Վահէ Օշական 94
- 16. ՀԻՆ ԵՂՋԵՐԱՓՈՂԸ** - Հենրիկ Էդոյեան 98
- Լեզուական-Գործնական Աշխատանք
- 17. ԿԵԱՆՔԻ ՊԱՅԸ** - Ուիլիամ Սարոյեան 101
- Լեզուական-Գործնական Աշխատանք
- 18. ՀԱՅՐ, ՕՐՀՆԷ՛** - Դանիէլ Վարուժան 106
- Լեզուական-Գործնական Աշխատանք
- 19. ԵՍ Ի՞ՆՉ ԸՆԵՄ ՀՈԳԻՈՎ** - Արշակ Չոպանեան 110
- 20. ԿԱՐՕՏ ԶՈՒԱՐԹ ԲԱՆԵՐՈՒ** - Վահէ-Վահեան 114
- Լեզուական-Գործնական Աշխատանք
- 21. ՈՐՏԵ՞Ղ ԷՒՐ, ՄԱՐԴ ԱՍՏՈՒԾՈՅ** - Զօրայր Խալափեան 117




Դ. ԿԱՆՉԵՐ

123

- 22. ԼՈՒՍԱՆԿԱՐՆԵՐ** - Գրիգոր Պըլլտեան 124
- 23. ԳԵՂՈՒՀԻՆ** - Պետրոս Դուրեան 128
- Լեզուական-Գործնական Աշխատանք
- 24. ԱՆՈՒՇԻՆ ՆՈՐ ՀԱՐՑԱԿԱՆՆԵՐԸ** - Լուիզա Ասլանեան 132
- 25. ՀԱՅԿԱԶԵԱՆ ԲԱՌԱՐԱՆ** - Նիկողոս Սարաֆեան 136
- Լեզուական-Գործնական Աշխատանք
- 26. ՀԻ՞Ն, ԹԷ՞ ՆՈՐ ԱՍՏՈՒԱԾՆԵՐ** - Լեւոն Շանթ 140
- 27. ՍԵՒ ԾՈՎԸ** - Ինտրա 146
- 28. ՄԱՅՐԵՆԻ ԼԵԶՈՒԻ ԶԵՆՔԸ** - Խաչատուր Աբովեան 151

ՈՒՍՈՒՑԻՉԻՆ ՀԵՏ

157



Հնդկաց օվկիանոսի ափերուն, այս տղուն աշխատանքային երկար օրը կ'անցնի նաւթամբարներու ներքնամասը մաքրելով...

Առաջին Բնաբան

ՐՆԿԵՐՈՒԹԻՒՆ ԵՒ ԲՆԱՎԱՅՐ

Մարդը «ընկերային էակ» է: Կը փնտռէ ընկեր, ընկերութիւն. կը կազմէ համայնք: Ան նաեւ՝ իր անհատական թէ հաւաքական գործունէութեամբ՝ կը փոխակերպէ բնութիւնը, անոր կու տայ մարդկային կնիք:

Բայց համայնքը հաւասարութիւն չէ. սկիզբէն արդէն՝ հոն եղած են տիրապետողներ եւ ենթարկուողներ:

Շատ կանուխէն՝ ընկերութիւնը դարձած է մեքենայ մը,- բարդ՝ ինչպէս մարդու հոգին.

Կեանքը պարզացնելու տեղ, կամ չափով մը պարզացնելով հանդերձ՝ անիկա ստեղծած է իր ուրոյն խնդիրները...

«Ջօրեղ» անձեր, ազգեր, դասակարգեր ճնշած եւ անհրաւած են տկարները. հալածած են շարժումները, որոնք կը ձգտէին ընկերութիւնը սրբագրելու, բարեփոխելու...

«Ա՛լ կը բաւէ» գոչած են անհրաւուած-ոտնակոխուածները. դիմած են յեղափոխութեան. տապալած են հինը, փորձած են ստեղծել նորը՝ արդար, իրաւական ընկերութիւն մը:

Բայց... Մարդը, անկատար արարած, որքա՛ն համեստ պէտք է ըլլայ եւ շրջահայեաց, որպէսզի այդ «նոր» ընկերութիւնը շուտով չդառնայ «հին», անհրաւ ու անարդար՝ իր կարգին...

Ու նաեւ որքա՛ն ուշադիր՝ որպէսզի բնութիւնը փոխակերպող իր գործունէութիւնը չդառնայ բնութեան քանդում, մոլորակի ապականում եւ մարդու անդարձ մեքենայացում...



1 ԳԻՔՈՐ

«Գիքորը» պատմութիւնն է գիւղացի մանչուկի մը, որ քաղաք կը տարուի իբր ծառայ: Գիւղացի հօր աղքատութիւնն ու սօցիալութիւնը, միացած քաղաքացի «վարպետին» անխղճութեան, պատմութիւնը պիտի հասցնեն տխուր վախճանի մը:

Այս հատուածը կը պատմէ առաջին մասը՝ Գիքորին քաղաք երթալը եւ ծառայութեան մտնելը: Գիւղացի տիպարներու վարմունքին մէջէն՝ կը ներկայացուին գիւղական աշխարհին ու գիւղի մարդոց հոգին. ապա՝ քաղաքացի որոշ դասակարգ մը, որ հարստացած է շահագործելով խեղճ մեծամասնութիւն մը: Վերջապէս, արագ գծանկարով, կը տրուին նաեւ քաղաքի կեանքը, շարժում-խճողումը:

Ընկերային ընդհանուր այս խնդիրին մէկ երեսն ալ՝ գիւղացիութեան գաղթն է դէպի մեծ քաղաքները: Վերը նշուած շահագործումին կողքին, թոււանեան կը ջանայ նաեւ զգացնել, որ գիւղացիութեան այդ արտագաղթը, իր կեանքի աւանդական ձեւէն կտրուիլը, ինքնին աղէտ է - եւ իրեն՝ գիւղացիին համար, եւ մարդկութեան համար առհասարակ:

1. Գիւղացի Համբոյի տունը կռիւ էր ընկել:
Համբօն ուզում էր տասներկու տարեկան Գիքորին տանի քաղաք, գործի տայ, որ մարդ դառնայ: Կինը չէր համաձայնում:
- Չեմ ուզում, իմ խեղճ երեխին էն անիրաւ աշխարքը մի գցի¹, չեմ ուզում,- լալիս էր կինը:

2. Բայց Համբօն չսեց:
Մի խաղաղ առաւօտ էր, մի տխուր առաւօտ: Տնեցիք ու հարեւանները եկան մինչեւ գիւղի ծայրը, Գիքորին պաշտեցին ու ճամփայ² դրին:
Քոյրը՝ Չանին, լաց էր լինում, իսկ փոքրիկ Գալօն մօր գրկից ձայն էր տալի. «Գիգո՛ւ, էդ ո՞ւլ էս գնում, հէ՛՛ Գիքո՛ւլ»:

Գիքորը շուտ-շուտ ետ էր նայում: Տեսնում էր՝ դեռ գիւղի ծայրին կանգնած են նրանք, ու մայրը գոգնոցով սրբում է աչքերը: Կրկին վազում էր հօր կողքով կամ նրա առաջն էր ընկնում: Մին էլ ետ նայեց. գիւղը ծածկուել էր բլուրի ետեւ:

2ա. Գիքորը ճամբու դնողներէն յատկապէս երկուքը բնական եւ յուզիչ կը դարձնեն տեսարանը: Եղի՛...
2բ. Գրագետը ի՞նչ անուողակի ձեւերով կը զգացնէ մեզի Գիքորին փափաքը՝ չհեռանալու գիւղէն եւ իրեններէն:

Այնուհետև Գիքորը ետ էր ընկնում:

- Արի հա՛, Գիքոր ջան, արի՛, հասանք հա՛,- որդուն կանչելով գնում էր Համբօն, շալակին՝ խուրջին, մեջը հաց, պանիր ու մի քիչ ծխախոտ:

Իրիկնապահին, երբ անցնում էին սարերը, մի անգամ էլ երեսաց գիւղը հեռո՛ւ մշուշում:

- Ա՛յ, ապի, մեր տունն էն ա հա՛,- ցոյց տուաւ Գիքորը՝ մատը մեկնելով դէպի գիւղը, թէև տունը չէր էլ երեսում,- ու անցան:

3. Առաջին իրիկունը հիւր ընկան մի գիւղում: Տանտէրը Համբոյի հին ծանօթն էր:

Գեղին սամովարը³ թշոււմ էր տախտի ծերին⁴: Մի ջահէլ աղջիկ բաժակները շրջակացնելով լուսնում էր ու թէյ շինում: Նա մի կարմիր սիրուն շոր⁴ ունէր հագին: Գիքորն էնտեղ մտքումը դրեց, որ երբ քաղաքում փող աշխատի, իր քրոջը համար էն տեսակ մի շոր ուղարկի:

Իրիկնահացից յետոյ տանտէրն ու Համբօն չիբուխ քաշելով⁵ գրոյց էին անում: Խօսեցին Գիքորի մասին: Տանտէրը գովեց Համբոյին, որ չարչարում էր՝ որդուն մարդ շինի: Յետոյ խօսեցին ապրուստի թանգութեան⁶ վրայ: Բայց Գիքորը շատ էր յոգնած, քունը տարաւ:

4. Միւս օր քաղաքում՝ առաւօտը իջան բազար:

- Է՛յ, էդ երեխին ծառայ ես տալո՞ւ,- խանութի ներսից հարցրեց մի վաճառական:

- Հրամանք ես⁷, - ասաւ Համբօն ու Գիքորին էն կողմ հրեց:

- Բե՛ր ինձ տուր, ես կը բռնեմ,- առաջարկեց վաճառականը:

Նրան ասում էին Արտեմ աղա:

5. Ու Համբօն Գիքորին ծառայ տուաւ Արտեմ աղայի տանը: Պայմանն էն էր, որ Գիքորը պէտք է տունը մաքրէր, ամանները լուսնար, ոտնամանները սրբէր, խանութը բաժին տանէր⁸, ու էս տեսակ մանր ծա-

Ինչո՞ւ նախընտրելի են այս անուղղակի ձեւերը:

3. Գիքորին ո՞ր մտածումը մեզ կը յուզէ հոս: Ինչո՞ւ. իր տարիքին յարմա՞ր մտածում մըն է:

5ա. Հանդիսատար պայմանագրութեան պէս գրուած առաջին պարբերութեան մէջ,

ռայութիւններ, մինչեւ մի տարի: Մի տարուց յետոյ, աղան նրան պէտք է⁹ տանէր խանութ, շինէր խանութի «աշկերտ», ու էսպէս Գիքորը պէտք էր «բարձրանար»:

- Հինգ տարի փող չեմ տայ,- ասաւ աղան պայմանը կապելիս:- Թէ ճիշտը² կ'ուզես, դեռ դո՛ւ պէտք է տաս, որ քու որդին բան է սովորելու: Ախր բա՛ն չգիտի...

- Որտեղի՞ց գիտենայ, աղա ջան,- պատասխանեց Համբօն,- որ գիտենար՝ էլ ո՞ր կը բերէի. ես էլ բերել եմ, որ բան սովորի...

- Կը սովորի, ամէն բան կը սովորի: Էնպէս սովորի ո՛ր... Ձեր կողմերից Նիկօն, որ իրեն համար խանութ ունի բաց արած, նա ինձ մօտ է մարդ դառել: Ամա վերջում մի քանի կտոր գդալ¹⁰ գողացաւ...

- Չէ՛, աղա, սա գողանալ չի սովորել: Որ անի, կը գամ կը տանեմ՝ Քուռ գետ կը զցեմ¹:

- Հա՛, որ ձեռք հալալ է՝ մարդ կը դառնայ:

- Իմ հոգն էլ էն է, աղա, որ մարդ դառնայ, լեզու սովորի, գրիլ-կարդալ սովորի, նստիլ-վերկենալ սովորի, մարդ ճանաչի, որ աշխարքումն ինձ նման խեղճ ու գորկ չմնայ... Ինքն էլ աչքաբաց երեխայ է, գեղական դպրոցում էլ գրաճանաչ է էլել¹¹, գրի սեւն ու սպիտակը ջոկում է: Ամա խնդիրքս էն է, որ լաւ մտիկ անէք, դարիք¹² երեխայ է...

Աղան Համբոյին հանգստացրեց ու դուրս գնաց՝ բարձր ձայնով հրամայելով. «Չայ բերէք, հաց բերէք սրսնց համար...»:

6. Հէր ու որդի նստել էին խոհանոցում:

- Դէ, հիմի դու գիտես, Գիքոր ջան, տեսնեմ՝ ինչ տեսակ տղայ ես դուրս գալի... Հէնց պէտք է անես, որ... ես ի՞նչ գիտեմ... ո՛վ Տէր Աստոծ...,- մռնչաց Համբօն ու չիբուխը լցրեց:

Այնինչ Գիքորը չորս կողմն էր դիտում:

- Այի, սրանք բուխարի¹³ չունե՞ն:

- Չէ, սրանք վառարան ունեն...

- Կալ էլ չունե՞ն:

- Սրանք գեղացի հօ չեն, որ կալ պահեն...

գրագէտը ի՞նչ ձեւերով կը զգացնէ լեղի հեզմանը մը:

5բ. Ո՞ր մանրամասնութիւններէն կ'երեւի, որ Համբօն պատրաստ գոհ մըն է, առանց իր իրաւունքներու նուազագոյն գիտակցութեան:

5գ. Գրագէտը ի՞նչ ակնարկութիւն «կը սահեցնէ» Արտեմ աղային՝ անոր ըսել տուած «[եթէ] ձեռքը հալալ է...» խօսքին տակ:

6ա. Գրագէտը ինչպէ՞ս կը զգացնէ խեղճ ու տգէտ Համբոյին դժուարութիւնը՝ իր գաւակը խրատելու:

6բ. Աղքատութեան վիճակին, աղքատի բախտի մասին՝ ի՞նչ է Համբոյի խորհուրդը իր գաւակին. ո՞ր

Տեսարան «Գիքոր» են,
շարժա-բեմադրիչ Ա.
Իսրայելեան, 1982:

Էջ 8. Ծանուցում-ազդ
«Գիքոր» շարժանկարի
հին բեմադրութեան, Ա.
Մարտիրոսեան, 1934:



- Բա ո՞րտեղից են հաց ուտում:
- Փողով առնում են՝ ուտում: Հացն էլ են փողով առնում, եղն էլ, կաթն էլ, փայտն էլ, ջուրն էլ...
- Վա՛...
 - Բա՛, սրան Թիֆլիս կ'ասեն: Դու իլա դոչաղ¹⁴ կաց, դեռ շատ բան կ'իմանաս:
 - Այի, սրանք ժամ¹⁵ ունե՞ն...
 - Ունե՛ն, սրանք էլ մեզ նման հայ քրիստոնեայ են: Մտիկ արա հա՛.- Կարելի է քեզ փորձելու համար փող վար գցեն, չմօտենաս: Թէ վերցնես էլ, տար ասա. «*Խանո՛ւն, էս ի՞նչ փող է, էսրեղ վար ընկած էր. աղա՛, էս բանն էսրեղ գրայ*», թէ չէ...
 - Էստեղ էլ ոստիկան կա՞յ որ...
 - Կա՛... Վախտ ու անվախտ դէս-դէն չընկնես¹⁶, ձեռքդ ընկած փողը չփչացնես. հազար ու մի պակասութիւն ունենք: Քեզ էլ լաւ պահի, գիշերները բաց չքնես, չմրսես... Մին-մինը եկողի հետ գիր ուղարկի..., - մերթ-մերթ չիբուխը բերանից հանելով որդուն խրատում էր Համբօն: Այնինչ՝ Գիքորը ննջում էր:
 - Հացի փշուր կը տան, կերակուրի մնացորդ կը տան. շատ անգամ՝ իրանք կ'ուտեն, քեզ չեն տայ. ոչի՛նչ, ծառայի կարգ է... Օր է՝ անց կը կենայ¹⁷...

7. Շարունակում էր հերն իր խրատը, բայց Գիքորը՝ թիկնը տուած¹⁸ հօրը՝ քնել էր արդէն:

նախադասութեամբ
կ'արտայայտուի
իր «կեանքի
փիլիսոփայութիւնը»...

7. Ճշդէ՛ այն աղուոր
տեսարանը, որ գրագէտը
նկարած է աւարտին
(մաս 7ի առաջին եւ
վերջին գոյգ տողերը), մէյ
մը գայն մաս 6ի մէջ
«բռնելէ» ետք...
- Կրնա՞ս անկէ գծանկար
մը հանել...

ԲԱՅԱՏՐԵԼԷ ԵՏՔ

1. Հաւաքէ՛ այն
մանրամասնութիւնները,
որոնցմով Թումանեան կը
թելադրէ իր համակրանքը
Համբոյին ու Գիքորին
հանդէպ, եւ
հակակրանքը՝ Արտեմ
աղային. գանոնք խմբէ՛
երկու սիւնակի տակ:



Էն երկու օրը նա էնքան բան էր տեսել, էս ու էն կողմը նայել, որ յոզնել էր բոլորովին:

Մրգով լիքը խանութները, դեզով՝ գոյն-գոյն կտորեղենները, տեսակ-տեսակ խաղալիքները, ուսումնարան գնացող երեխաների խմբերը, իրար ետեւից սլացող կառքերը, ուղտերի շարքերը... էս ամէնի գոռոցն ու զնգոցը, աղմուկն ու աղաղակը իրար խառնրած դժվժում էր նրա գլխում: Եւ նա յոզնել՝ հօրը թիկնը տուած քնել էր¹⁹:

2. Գրագէտը այս մանրամասնութիւնները իբր «միջոց» կը գործածէ՝ *անուղղակի արտայայտելու* իր զգացումները...: Բացատրէ՛ ինչո՛ւ այդպէս պէտք է ըլլայ (գրական կտորի մը մէջ):

- Չորս արեւելահայերէն եւ բարբառային ձեւերը գիրքին մէջ կը նշուին աստիճանաբար:

- | | |
|--------------------------------------------|--------------------------------------------------------------------|
| 1. * Գցել.- Նետել: | 2. * Ճամփայ. * ճիշտ - արեւելահայերէնի յատուկ. ուղղագրութեան ձեւեր: |
| 3. Սամուլար՝ թէյ եփելու սարք: | 4. * Տահարի ծէրին՝ բազմոցին ծայրը: * Շոր՝ Հագուստ: |
| 5. Ծխամորճ ծխելով: | 6. * Թակոտիւն՝ Մղութիւն: |
| 7. Հրամանք էս՝ «Այո» ըսելու յարգալի ձեւ: | 8. Բաժին տանել.- Կերակուր տանիլ: |
| 9. Պէտք է արեւելահայերէն ձեւ պիտի-ի համար: | 10. * Գդալ՝ Դգալ: |
| 11. Կարդալ-գրել սորված է: | 12. Օտարական, տունէն հեռու գտնուող: |
| 13. Պատի մէջ կառուցուած վառարան: | 14. * Դոշաղ՝ Բաջ, ամուր: |
| 15. Եկեղեցի: | 16. Անյարմար ժամու՝ հոս-հոն չերթաս: |
| 17. Կ՛անցնի: | 18. Կռնակը տուած, կոթնած: |
| 19. Հեղինակին կենսագրութիւնը՝ տես Գիրք 1: | |

Լեզուական-Գործնական Աշխատանք



- Արեւելահայերէն եւ բարբառային ձեւեր.-

- էս տեսակ մի շոր
- էդ երեխէն
- որդու հետ
- հօր կողքով
- պայմանը կապելիս

o Աղջիկը մի կարմիր սիրուն շոր ունէր հագին: -

o Համբօն չարչարում էր՝ որդուն մարդ շինի: -

o Որ գողանայ, կը գամ կը տանեն՝ գետը կը զցեն: -

o Մին-մինը եկողի հետ գիր ուղարկի: -

o Նա յոզնել՝ թիկնը հօրը տուած քնել էր: -

ԵՐԳԻԾԱԲԱՆԻՆ՝ ՉԵՌԱՏԵՏՐԸ



Սուր դիտողություն, յեղափոխական նկարագիր, երգիծանքի մեծ շնորհք եւ առողջ դատողություն - ահա գիծերը, որոնք Յակոբ Պարոնեանը կը դարձնեն հայ գրականության անմահ դէմքերէն մէկը:

Կարդալով «Ձեռատետր»-ին յառաջաբանը, ապա նաեւ քանի մը հատուած գործէն, արդէն կ'անդրադառնանք այս բոլորին: Հայ կեանքի այս քաջ Պահակին աչքը հասած է բոլոր անկիւնները ազգային մեր իրականութեան, Պոլիսէն Կովկաս ու աւելի անդին: Բժիշկի անոր նշդրակը բացած է մեր բոլոր ընկերային վերքերը՝ զանոնք մաքրելու որոշումով:

Աւելի'ն. կը տեսնենք Պարոնեանի փայլուն միտքը եւ քաջութիւնը՝ ընդհանուր քաղաքականութեան մէջ: Ու մե՛ծ քաջութիւն պէտք էր՝ Օսմանեան կայսրութեան սրտին վրայ քաղաքական-երգիծական թերթ հրատարակելու համար, տեւաբար ճշմարտութիւններ ըսելու, բողոքելու եւ մտրակելու...:

Պարոնեան ծառայած է այս կոչումին՝ աչքը առած իր «երկար լեզուին» կտրուիլը գրաքննութեան կողմէ, այսինքն թերթերուն փակուիլը. նոյնիսկ ատիկա՝ դարձուցած է ծաղրանկարի եւ բողոքի նիւթ...

«Սուլութիւններու վրայ ծիծաղելով» մարդիկը «առաքինութեան ճամբուն» բերելու Պարոնեանի նպատակը աւելի լաւ չէ վարձատրուած հայութեան մէջ ալ, ուր ան, քիչերու յարգանքի կողքին, «վայելած է» շատերու թշնամութիւնն ու հալածանքը...

1. Պարոնեանը, այս վերնագիրը կարդալով չկարծէք, թէ սնանկացած վաճառական մըն եմ եւ կու գամ հաշիւներս հանրութեան ներկայացնելու: Պատիւ ունիմ յայտնելու, որ կեանքիս մէջ վաճառական չեմ եղած եւ ըլլալու փափաք ալ չունիմ:

Սակայն, որոշեցի ձեռատետր մը ունենալ, հոն նըշանակել օրուան դէպքերը եւ երբեմն անոնց առթիւ մահկանացուներու² թերութիւններուն վրայ ծիծաղիլ:

Թո՛ղ ազգային բանաստեղծներ Եփրատն ու Տիգրիսը Հայաստանի երկու աչքերը ներկայացնեն եւ

1. Պարոնեան ի՞նչ մեղադրանք ունի շատ

լան, թո՛ղ պարոն Չուխաճեանին³ ալ եղանակներ յօրինել տան եւ եղանակով լան: Ե՛ս, պարոններ, կը ծիծաղիմ, եւ ծիծաղելու համար ո՛չ եղանակի կարիք ունիմ, ո՛չ դաշնակի: Թերութիւններու վրայ լալը թերութիւններու մեծագոյնն է, խեղճութեան վրայ արցունք թափելը ցուցնել է, թէ արիւն չունինք թափելու:

2. Եւ չէք կրնար երեւակայել, թէ որչափ բերկրութիւն⁴ պիտի զգամ, եթէ յաջողիմ ձեզմէ ծիծաղներ կթել այն դէպքերուն եւ անձերուն վրայ, որոնց պիտի հանդիպիք ձեռատետրիս մէջ: Մոլութիւններու⁵ վրայ ծիծաղիլ առաքինութեան ճամբուն մէջ գտնուիլ է, եւ այս հաշուով որչափ շատ ծիծաղ քաղեմ, այնքան նուազ մոլութիւն պիտի գտնեմ:

Պէտք չէ մոռնալ սակայն այն դասակարգ մը մարդերը, որոնք ուխտ եւ երդում ըրած են բնաւ չխնդալու: Այդպիսիներու հետ գործ չունիմ. ստոնց երեսէն ժպիտ քաղելը ւաւելի դժուար է քան թուրք կառավարութենէ բարենորոգում յուսալը:

3. Վիճակս զիս հեռու կը պահէ աշառութեան⁶ փորձութենէ. փառք նախախնամութեան⁷, բարեկամ չունիմ: Բայց, փառք սատանային, թշնամի ալ չունիմ. ուրեմն կիրքով պիտի չխօսիմ, քաւ լիցի⁸...:

Մի՛ գարմանաք, պարոններ: Աշխարհի երեսին այնպէս կ'ապրիմ, ինչպէս դուք կ'ապրիք երբեմն թատրոնի մէջ. միայն հանդիսատես կ'ըլլամ ներկայացման՝ առանց դերասաններու գործին խառնուելու: Ընկերութենէ ընդհանրապէս հեռու կ'ապրիմ, եւ այս է միակ պատճառ երջանկութեանս:

ԷՋԵՐ ՁԵՌԱՏԵՏՐԷՆ

4. Գաւառի սովեալ հայրենակիցներուն համար մեծ վիճակահանութիւն մը պիտի ըլլայ... գալ տարի:

Վիճակահանութեան գործադիր ժողովը շրջաբերական⁹ պիտի դրկէ գաւառները, յորդորելու համար սովեալները, որ համբերեն եւ անօթութենէ չմեռնին, մինչեւ որ իրենց հաց դրկուի:

գրագէտներու եւ երաժիշտներու հանդէպ: Ո՞ր խօսքը լաւապէս կը խտացնէ իր կեցուածքը լալկանութեան դէմ:


2ա. Գրագէտին նպատակը միայն խնդացնել է. հոս ի՞նչ նոր կարեւոր տարր կը մտնէ երգիծաբանի գործի իր ըմբռնումին մէջ:

2բ. Չխնդացող մարդերը գրագէտին համար առիթ են նոր հարուած մը տալու: Ո՞վ է թիրախը. հարուածը ինչո՞վ յանդուգն է:

3. Հանդիսատես ըլլալը ո՞ր իմաստով ճիշդ է, ո՞ր իմաստով՝ ոչ: Պարոնեան իրա՞ւ «չի խառնուիր»...

4. Հոս բերուած «օրուան դէպքը» ինչո՞վ ծաղրելի է. որո՞նց կ'ուղղուի երգիծաբանին սլաքը: Ո՞ր բառերը ւաւելի կը շեշտեն ծաղրը:

Գրաքննութիւնը կը կտրէ
 3. Պարոնեանի երգիծաթերթին
 երկար լեզուն...
*Երգիծանկար
 «Մեղու»ի*



Յուսանք, որ մեր հայրենակիցները կը համակերպին այս շրջաբերականին: Գիտեն արդէն անոնք, որ եթէ այս սովը Եւրոպա ըլլար, շատ աւելի գոհ կը խլէր: Փառք տալու ենք, որ թուրք բարեխնամ կառավարութիւնը, սովը շատոնց նախատեսած լինելով, ազդու միջոցներ ձեռք առած էր հաւատարիմ հպատակները անօթութեան վարժեցնելու:

9 յունիս

5. Սովեալներուն օգնելու համար ճամբայ մըն ալ ես ունիմ. սովեալ գաւառներէն հեռացնել այն մարդերը, որոնք շատ կ'ուտեն:

Հետեւապէս կ'առաջարկեմ, որ վանահայրերը Պոլիս կանչուին, մանաւանդ Մամբրէ եպիսկոպոսը, որ Մշոյ վանքը ամբողջ կերաւ:

8 յունիս

6. Ըստ ստոյգ վիճակագրութեան¹⁰ մը, Պոլսոյ հայերն այսօր ունին՝ 400 գինետուն, 3 գրավաճառանոց, 1200 պարի դասատու, 5 հայագիտութեան դասատու, 2000 զբօսարան, 3 թանգարան. 4000 ծրար խաղի թուղթ, 5 լրագիր:

Եւ այս վիճակագրութիւնը հերիք է Պոլսոյ հայերու բարոյական վիճակը ցոյց տալու:

16 յուլիս

7. Հայաստանի մէջ հարստահարութիւնները¹¹ կը շարունակուին: Մեր կառավարութիւնը երեսը հոն դարձնելու ո՛չ ժամանակ ունի, ոչ փափար:

5. Նոյն նիւթը ի՞նչ քննադատութեան կը ծառայէ հոս. որո՞ւ դէմ...: Ծշդէ՛ «խաղը»՝ **ուրիշ** բայի իմաստներուն վրայ

6. Զննադատութիւնը հոս անուղղակի՞ է, թէ՞...: Բացատրէ՛ թիւեր տալէ ետք՝ երգիծաբանին ըրած երկտող ընկնաբանութիւնը:

7. Ծշդէ՛-բացատրէ՛ մասի վերջին երկու տողերուն

Իրատունք այ ունի: Այն մարդը, որուն փորը կը ճեղքեն բժիշկները՝ սանտր չ'ուզեր անշուշտ մօրուքը սանտրելու համար. մօրուքը խառն վիճակի մէջ է եղեր. որո՞ւ հոգ...

Բայց եթէ մօրուքը բռնկի՝ ա՛յն ատեն կարեւորութիւն կը տրուի մօրուքին...

11 սեպտ.

1. Կատակ-ծաղրով քննադատող գրագէտ:
2. Մարդ-արարած, հասարակ մարդ:
3. Խօսքը անլուրջ վիպապաշտ բանաստեղծներու մասին է: Տիգրան Չուխաճեան՝ ծանօթ երաժիշտ:
4. Մեծ ուրախութիւն:
5. Վատ սովորութիւն, նկարագիրի գիծ:
6. Կողմնակալութիւն, անարդար նախընտրութիւն:
7. Աշխարհը վարող աստուածային ուժ: 8. Աստուած չընէ:
9. Մեծ թիով անձերու ուղղուած նամակ. յայտարարութիւն:
10. Թիւերով տրուող տեղեկութիւն-գիտութիւն:
11. Հալածանք, անիրատւութիւն:

Իմաստը: Ի՞նչ պատգամ կայ անոնց մէջ:

ԲԱՅԱՏՐԵԼԷ ԵՏՔ

1. Ընտրէ՛ եւ արտագրէ՛ այն միտքերը, որոնք կը զգացնեն խոր լրջութիւն: Արտագրածներէդ ընդգծէ՛ անոնք, որոնք զինք կը մնանցնեն «ընկերային վիրաբուժի» Յետոյ՝ անոնք, որոնք իր մէջ կը զգացնեն քաջ յեղափոխական մը:

2. Կը հաւատա՞ս, որ «թշնամի չունեցող» այս մարդը երկար ատեն կրնար մնալ «առանց թշնամիի»: Հիմնաւորէ՛...

Յակոբ Պարոնեան (1843-1891)



Ծնած է Էտիրնէ քաղաքը, Պոլսոյ մօտ, ուր ստացած է ուսումը. բայց զարգացած է մանաւանդ ինքնաշխատութեամբ:

1883էն՝ Պոլիս, կը նուիրուի լրագրութեան: Ամբողջ կեանքը, յաջորդաբար, պիտի խմբագրէ ազգային-քաղաքական բովանդակութեամբ երգիծաբերներ - «Մեղու», «Թատրոն», «Խիկար», որոնք պիտի փակուին թուրք պետութեան հանդէպ խիստ քննադատութիւններու պատճառով: Մեջմէջ՝ աշխատակցած է նաեւ ուրիշ թերթերու:

Այս բոլոր թերթերուն մէջ է, որ Պարոնեան կը հրատարակէ երգիծանքի իր գլուխգործոցները՝ «Ազգային Ջոջեր», «Գուշակութիւնք Խիկարի», «Յոսիոսի Չեռատետրը»... միւս կողմէ հաշուապահութիւն ընելով՝ մեծ դժուարութեամբ ապրեցնելու համար իր ընտանիքը - եւ թերթերը...:

3 ԱՐԱՉԸ



Չատուածը, նախ, մեզի կը բերէ պատկեր մը հայ Գիւղէն՝ ինչպէս որ անկա եր 19րդ դարու վերջերուն, Արարատեան դաշտին մէջ:

Ազգային ճնշումէն գրեթէ ազատած, բայց միշտ աղքատութեան ու տգիտութեան մէջ թաղուած, գիւղացիներու մեծամասնութիւնը հազիւ ապրուստ մը կը հանէ սպառիչ աշխատանքով, բնական աղէտներու վախը սրտին: Չոս, ասոնց կ'աւելնայ պայքարը բնութեան մէկ այլ ուժին՝ Արաքս գետին դէմ, որուն ջուրը, նախնական թումբերով զսպուած, կը հասնի մինչեւ իրենց մշակութիւնները: Ոռոգող այս գետը իրենց համար բարիք է, բայց եւ վտանգ է. իրենց «տէրն է եւ զուլումը»:

Պատմուածքը նոյն ատեն կը շօշափէ անհատի եւ հաւաքականութեան յարաբերութիւնները: Բնութեան դէմ մղուող պայքարին մէջ՝ Գալօն խեղդամահ կ'ըլլայ: Ինչպէս իր կիներ պիտի բացատրէ պզտիկ Շողիկին, զայն «Արազը տարաւ՝ գիւղի՛ համար»... Անհատ եւ համայնք լրացուցիչ են, «մէկը միւսին համար». բայց փոխադարձ այս լրացումը յաճախ նաեւ ի վնաս է անհատին - յատկապէս աւելի խեղճերուն...

1. Գարնան վերջն էր, արիւն-քրտինք թափելու օրեր: Գիւղը տքնում էր¹. փոքրիկ մանուկներին էլ չէին խնայում:

Դաշտերում, այգիներում, բանջարանոցներում կեանքը եռում էր. ամէն կողմ ծուռած մէջքեր, քրտնաթոր ճակատներ, արեւի առաջ չորացած, տանջուած դէմքեր:

2. Գալօն էլ դադար չունէր: Ընտանիքը մեծ չէր՝ ինքը, կինը, եւ փոքրիկ աղջիկը՝ ինը տարեկան Շողիկը: Էլի² երեք բերան էր, պէտք էր կերակրել. իսկ գիւղում ձմեռը կատակ չի անում:

Գալօն ողջ օրը քաղիան է անում³, կնոջ եւ Շողիկի հետ բամպակի արտն են քաղիանում: Փոքր է արտը, բայց թէ որ ժամանակին քաղիանուի, մանաւանդ ջրից չզրկուի, երկինքն էլ կարկուտ ու հիւանդութիւն չտայ,

2ա. Հեղինակը «գրագետի» լեզու»ով կը պատմէ գիւղացիին հարցերը...: Տո՛ւր օրինակներ: Բացատրէ՛ լեզուական «միջոցներու» այս ընտրանքը. գտի՛ր եւ



Գալօն էլի մի տարի գլուխ կը հանի՝ ամօթը երեսին⁴, առանց ուրիշի ձեռքին նայելու:

Գալօն գիտի, որ քաղհանը կնոջ գործ է եւ ո՛չ տըղամարդի. նա գիտի, որ տղամարդի մէջքը չպէտք է մինչեւ գետին ծռուի, որ նա կնոջ պէս չպէտք է գունդ դառնայ, սողայ՝ այս ու այն վնասակար բոյսը քաղելու համար: Այդ բոլորը նա լաւ գիտի, բայց դէ՛ ինչ արած⁵, կարիքը մէջք էլ է ծռում, վիզ էլ, գլուխ էլ⁶:

3. Քաղհանը տղամարդի գործ չէ, բայց հեշտ⁷ էլ գործ չէ: Գալօն ամբողջ օրը ցառով է տեսնում իր Շողիկին, որ կռացած փոքրիկ ուրագի վրայ, գլուխը թաղած խոտերի մէջ, մանր-մանր հարուածներ է տալիս եւ դժուարութեամբ է առաջանում:

Քրտիկները ծորան-ծորան⁸ հոսում է փոքրիկ սիրուն այտերի վրայից, փոշին բարձրանում ու ծածկում է նրա մազերն ու երկայն թարթիչները. բայց աղջիկը շարունակում է քաղհանել, որովհետեւ հայրն ասել է՝ Վարդավառին⁹ նրա համար վարդագոյն շոր պիտի գնի, խշխշան ու սիրուն: Նա աշխատում է ետ չմնալ ծնողներից, որոնք նրա մանկական փոքրիկ ինքնասիրութիւնը¹⁰ խնայելու համար՝ երկու կողմից օգնում են՝ աննկատելի առաջի խոտերը քաղհանելով:

Արեւը վերից անխնայ թափում է իր կիզիչ ճառագայթները եւ տօթը¹¹ գնալով աւելի խեղդող է դառնում:

4. Երեկոյեան տուն դառնալիս՝ կինը լուռ քայլում էր Գալոյի մի կողմից, իսկ Շողիկը միւս կողմից՝ բռնած հօր ձեռքը: Փոքրիկը յոգնած էր. ոտները խառնելով՝ հազիւ-հազ հետեւում էր հօրը, բայց էլի անդադար խօսում էր իր վարդագոյն շորի, կանաչ-կարմիր ժապաւենի եւ կօշիկների մասին:

Գիւղը հեռու չէր. այնտեղից լսում էր Գգիր¹² Վարդոյի անհանգիստ կանչը, որ վտանգ էր գուժում¹³.

- Էգուց տունը մի մարդ¹⁴ Արազը գնայ, թումբերը քանդուել են հա՛ա:

Գալօն կանգ առաւ, բերանաբաց ականջ դրաւ, մի վայրկեան սառած մնաց, ապա՝

- Արա՛զ, տո՛ւնդ քանդուի, Արազ... էլի¹⁵...
- Հայրի՛կ, Արազն ի՞նչ է արել:

Հայրը պատասխան չտուեց. կոտրուած ձայնով դարձաւ կնոջը.

հիմնաւորէ՛ անոնց առաւելութիւնները:

2բ. «Քաղհանը կնոջ... չպէտք է գունդ դառնայ...». ի՞նչ մտայնութենէ կը բխի այս «սկզբունքը»: Իսկ Գալօն ինչո՞ւ կ'անտեսէ գայն: Բացատրէ՛ «Կարիքը մէջք էլ...» միտքը

3ա. Այս մասի գլխաւոր հերոսը ո՞վ է: Գրագէտը ի՞նչ մանրամասնութիւններ «բռնած է», նկարագրի եւ վարմունքի կապում, որոնք համակրանք եւ գութ կ'արթնցնեն մեր մէջ:

3բ. Ծնողներու վերաբերումէն ինչպէ՞ս կ'երեւի, որ անոնք կը գուրգուրան Շողիկին վրայ:

4ա. Ինչպէ՞ս կը խանգարուի ընտանեկան հանդարտ պահը: Ո՞ր բառերը կ'արտայայտեն մարդոց բացատրելի մտահոգութիւնը:



- Կնիկ, Էգուց Շողիկի հետ կ'երթաս քաղհանի, ճար կայ¹⁵: Ժամանակ է գտել թումբերը քանդելու¹⁶:

Գիւղը աղմկուած էր. հրապարակում կանչ, հայհոյանք, անէծք, սպառնալիք իրար էին խառնուել. մարդիկ իրար չէին հասկանում, բոլորի ձայները միասին կազմում էին մի անհասկանալի ժխոր: Գիւղը պատրաստուում էր դիմադրել մի անակնկալ յարձակման: Անողորմ¹⁷ կռիւ էր Արագի դէմ. թշնամին շատ էր հզօր, եւ մարդիկ շատ էին խեղճ իրենց դիմադրութեան նախնական միջոցներով:

Կէս գիշերին պէտք էր ճանապարհի ընկնել՝ վաղ առաւօտ ափին գտնուելու համար. բայց դեռ՝ անհրաժեշտ էր պատրաստութիւն, բահեր, կացիներ, ուրագներ, հաստ պարաններ եւ ամենից աւելի՝ ծառերի մեծ-մեծ ճիւղեր, որոնք պիտի կապուէին եւ գետի առաջ ձգուէին՝ ջրի ընթացքը փոխելու համար:

5. Արեւելքը դեռ չէր տժգունել:

Մարդիկ քնաթաթախ ու յօրանջելով դուրս էին սողում այս ու այն պատի ետեւից, այս ու այն անկիւնից եւ մոլար¹⁸ քայլերով դիմում էին հրապարակը: Լսում էին եզների բռնաչ, բահերի զնգոց, կիսաքուն մարդկանց կցկտուր¹⁹ խօսակցութիւն...

Գալօն էլ փողոցում էր:

Գիւղը շարժուեց՝ գնաց դէպի Արագը: Սայլերը ճրճընչում էին ճիւղերի ծանրութիւնից, իսկ գիւղացիները, մեծ ու փոքր խմբեր կազմած, հետեւում էին դանդաղ ընթացքով: Մի ամբողջ կարաւան էր:

Արեւը ծագել էր արդէն, երբ այդ կարաւանը գետի ափը հասաւ: Արագը ծոյլ-ծոյլ արեւկող արած²⁰, քնից նոր արթնացածի պէս ձգձգում էր²¹ եւ մեղմով ետ էր գցում իր վրայից կաթնագոյն մշուշը:

Գալօն կանգնած նայում էր՝ մտքերի մէջ ընկղմած:

- Գալօ՛, Գալօ՛, գործի կաց²²:

Վարդօն էր, զգիր Վարդօն:

- Հա՛, գործի կենամ, Վարդօ՛, լաւ ես ասում. մեր ցաւն է, հոգա՛նք:

- Հապա մեր ցաւն է, Գալօ ախպէր,- վրայ բերեց Վարդօն.- Արագը որ կայ՝ մեր տէրն է, մեր էլ գուլումն է²³. Ի՞նչ անենք, ախպէր:

4բ. Ժամանակի պայմաններուն եւ մարդոց վիճակին վերաբերող ո՞ր արտայայտութեամբ գրագէտը խիտ բացատրութիւն մը կու տայ ստեղծուած իրարանցումին:

5ա. Արագը ի՞նչ երեւոյթով կը ներկայանայ. Գրագէտին նկարագրական ձեւերով՝ ինչի՞ «կը վերածեն» գայն:

5բ. Երկու գիւղացիներու կարճ խօսակցութիւնը ինչպէ՞ս կը հաստատէ վերի այդ երեւոյթը...



«Քանապակահալաք
Արարատեան դաշտին
մէջ»

Մարտ. Սարեան, 1949:

6. Գործը եռում էր. գիւղապետը որոտում, անիծում, հայհոյում էր. երբեմն լսում էր մտրակի շրխկոց:

Ոստերից պարաններով մեծամեծ կապոցներ շինեցին, ծալքերում քար ու հող ածելով²⁴, որ ծանր լինի, ջրին դիմանայ: Եւ մի քանի տասնեակ ձեռքեր միանգամից կպան կոյտերին ու բոլոր ուժով, հարայ-հրոցով դէպի գետ գլորեցին:

Բլրածեւ կոյտը ահագին շառաչով ջուրն ընկաւ. ալիքները փրփրալով փախսան այս ու այն կողմ, ապա ամբողջ ուժով զարկուեցին այդ նոր արգելքին: Թումբը դողաց. բայց նրա վրայ թռան մի խումբ մարդիկ, պարաններից ու ճիւղերից կախուեցին, մինչ ասիի բազմութիւնը շտապ քար ու ցեխ էր գցում վրան, որ ծանրանայ: Գիւղապետը ասիից էր հրամաններ արձակում. գգիրը թմբի վրայ էր:

Այստեղ էր եւ Գալօն:

- Հարեւաններ, հող ու քար ածեցէք²⁴, - քրտինքի մէջ կորած ճշում էր նա. կարծես վիշապի դէմ պայքար էր մտել եւ ոգետորութեան մէջ ամէն ինչ մոռացել:

Ամբոխը գործում էր անընդհատ: Լա՛ւ էր. Գալօն հրճում էր՝ «Քար ու ցեխ»: Ուռած ալիքները սպառնալի էին, բայց թումբը հաստատուն էր. կարծես էլ վտանգ չկար. նոյնիսկ ջուրը շարժուեց դէպի առուները. էլի՛ մի փոքր ճիգ, եւ՛ վերջացած է:

6. Խօսքի մասերէն (գոյական, բայ, ածական...) ո՞ր մէկը առատօրէն գործածուած է հոս. ինչո՞ւ. ի՞նչ է նկարագրուած-պատմուածը:

7. Բայց յանկարծ թումբը երերալ սկսեց, դողաց ինչպես երկրաշարժի ցնցումից. ապա ալիքների թափի առաջ հազի հաստատուած թումբը տեղահան եղաւ, սկսեց ցրիւ գալ²⁵:

- Պարանը կտրուեց, ա՛փը թռեք,- ճչացին:

Բազմութիւնը շտապ ետ փախաւ՝ ջուրը չթափուելու համար:

- Թռի՛ր, Գալօ, տնաքա՛նդ²⁶, - ճչաց ամբոխը:

Գալօն սարսափած նայեց իր ոտների տակ քանդուող թումբին եւ ուզեց թռչի դէպի ափը, բայց շրըմբոցով ընկաւ ջուրը:

Այս բոլորը կատարուեց մի ակնթարթում: Բազմութիւնը քար կտրեց, իսկ գիւղապետը գունատուած՝ պոռում էր.

- Պարա՛ն, պարան ձգեցէք, խեղդուեց, շո՛ւտ:

Յանկարծ ճիւղերի կոյտը գլորուեց, թաւալ-թաւալ հասաւ խեղդուողին եւ մի անգամից իր տակը թաղեց...: Վերջացա՛ւ:

8. - Մայրի՛կ, ի՞նչ եղաւ իմ հայրիկը:

- Արագը տարաւ, Շողի՛կ ջան, Արագը տարաւ:

- Ախր ինչո՞ւ տարաւ:

- Գիւղի համար, մատա՛ղ²⁷, գիւղի համար տարաւ²⁸:

-
1. Չարաչար աշխատիլ, ճիգ ընել:
 2. *Գարձեալ, կրկին:
 3. Հոս՝ վնասակար բոյսերը քաղել:
 4. Առանց անչնալու, «պատիւը պահելով»:
 5. *Մարդ ի՛նչ կրնայ ընել...:
 6. Պէտքը կը հարկադրէ մարդս՝ չուզածը ընելու:
 7. *Գիւրիւն:
 8. Թեթեւ հոսելով:
 9. Հայկական աւանդական ծանօթ տօնը:
 10. *Արժանապատուութիւն:
 11. Ծնշող տաք:
 12. Գիւղապետին օգնականը:
 13. Գուժել՝ Գէշ լուր տալ:
 14. Վաղը ամէն մէկ տունէ՝ մէկ մարդ... 15. Ուրիշ ելք չկայ:
 16. Ամենէն անյարմար ժամանակին: 17. Անգութ, անխնայ:
 18. *Մոլորած, շփոթ:
 19. Կտոր-կտոր, անկապ:
 20. *Արեւոտ տեղ նստած-երկնցած:
 21. *Չգջգուիլ՝ պրկուիլ, քաշքշուիլ՝ քունէն նոր արթնցածի պէս:
 22. *Գործի՛ ելիր, աշխատէ՛:
 23. Մեր փորձանքը, մեր ցարը:
 24. *Թափել, լեցնել:
 25. *Յրուիլ, քանդուիլ:
 26. Գիւղական ձեւ՝ մէկը կանչելու (ժխտական պարագայի մը):
 27. Սիրելիս, հոգիս: 28. Հեղինակի կենսագրութիւն > Գիրք 1:

7. Ո՞ր բայերը, սկիզբը, թումբին քանդուիլը կը պատմեն: Տեսարանը կարճ է. ի՞նչ տպաւորութիւն թելադրելու համար:

8. Գիւղացի կնոջ վերջին խօսքը կը խտացնէ խեղճ ու խոնարհ մարդոց ողբերգութեան իմաստը. բացատրէ՛:

ԲԱՅԱՏՐԵԼԷ ԵՏՔ

1. Գտի՛ր տուեալները, որոնք Գալօն կը պատկերացնեն խեղճ, համեստ մարդ, նսեւ՝ անճարակ, կորսուած...: Այս բոլորը ինչպէ՞ս կը մասնակցին դրուագի ընթացքին եւ յանգումին:

2. Ութ մասերէն ամէն մէկը ո՞ր «խօսքի ձեւին» կը պատկանի - նկարագրակա՞ն, պատմողակա՞ն, խօսակցակա՞ն (կամ ասոնցմէ ոմանց խառնո՞ւրդը...):

- Վերջին կարճ Մաս 8ին մէջ՝ արժեւորէ՛ միայն «խօսակցական» ձեւի գործածումը: Գտի՛ր՝ ինչո՞ւ ատելի յարմար է ու յաջող այս ձեւը՝ հոս:



Լեզուական-Գործնական Աշխատանք



1. Նոյնարմատ բառեր. գործածել՝ նախադասություններում մեջ,

օ ողջ օ առողջ օ վատառողջ օ ողջմիտ օ առողջական օ առողջապահական

- վիճակս բարելաուած է. շնորհակալ եմ ուշադրութեանդ համար:
- ըլլալու համար՝ յարգել՝ կանոնները:
- որակականը կը նշանակէ *սպրոդ*, բայց նաեւ *ամբողջ*:
- Ատենին, քաղաքին հարաւը միայն կլիմայով ճահիճներ կային:
- Միշտ ալ կրնաս վստահիլ մարդոց դատումին:

2. Հինգ ասոյթներ. մէկ-մէկ բացատրել՝ եւ գործածել՝ նախադասութեան մը մէջ.-

- Գլուխ հանել (գործ մը).-
-
- Գլուխը արդուկել (մէկուն).-
-
- Գլուխ ծռել.-
-
- Գլուխը բարձր.-
-
- Գլուխը ծանր.-
-

3. Նոյն վարժութիւնը՝ բերանացի՝ հետեւեալ ասոյթներով.-

օ արին թափել օ լեզու թափել օ քրտինք թափել օ եփել-թափել օ կաթը թափել

4. Ճշդէ՛ իմաստի աստիճանաւորումը՝ ամէն մէկ շարքի մէջ.-

- Կարիքը մէջք ալ կը ծռէ, վիզ ալ, գլուխ ալ...
- Փողոցը՝ կանչ, հայհոյանք, անէծք, սպառնալիք իրարու էին խառնուած:

- Կազմել՝ աճող աստիճանաւորում.-

ա. Բայեր. Ընկերս համոզելու համար՝ իրեն կը խօսիմ, կը, ապա կը

բ. Գոյականներ. Ջուրը հասաւ ծունկերուս. մտահոգութիւնս դարձաւ,
....., ապա, եւ ի վերջոյ



5. Ծանօթանանք արեւելահայերէնին - Վերածէ՛ արեւմտահայերէնի.-


- Գիւղում ձմեռը կատակ չի անում:
- Գալօն ցառով է տեսնում իր Շողիկին:
- Փոքրիկը էլի խօսում էր իր վարդագոյն շորի մասին:
-
- Բազմութիւնը շտապ քար ու ցեխ էր գցում թմբի վրայ:
-

6. Պարբերութիւն

- Ուշադիր կարդա՛ մաս 3ը: Նոյն պատմողական ներկայ ժամանակով, գրէ՛ հատուած մը՝ շուրջ տասը տող, ներկայացնելով շինարար բանուորի մը դժուարին աշխատանքը, կառուցուող տան մը տանիքին, տաք արեւի կամ կաթկթող անձրեւի տակ:

7. Շարադրական Աշխատանք

- Պարբերութիւնդ վերածէ՛ շարադրութեան, ներկայացնելով ամբողջ օրը տաժանելի աշխատանքով ապրուստը հանող անձ մը: Ըսէ՛ նաեւ, ի՛նչ կը զգաս, ի՛նչ կը մտածես նման պարագայի մը առջեւ:



ՄԻՆՉԵՒ ԵՐԲ

Արփիար Արփիարեան այս պատմուածքով կը դնէ նոյն հարցերը, ինչ որ Թումանեան «**Գիբոր**»-ով: 19րդ դարու վերջը, Թիֆլիսէն Պոլիս՝ ընկերային-տնտեսական պայմանները կը հետեւին համաշխարհային հոլովոյթին եւ նման են իրարու:

Ուրեմն, պիտի չզարմանանք, որ արեւմտեան Հայաստանի Թորոսները երեւին իբր հարազատ եղբայրները արեւելեան Հայաստանի Համբօներուն: Եւ եղբայր՝ ո՛չ միայն իբր հայեր: Հոս նոյնիսկ չեն քննուիր ազգութիւն ու ազգային ճակատագիր. պանդուխտ Թորոսը եւ գիւղացի Համբօն կ'եղբայրանան իբր շահագործուած աղքատներ: Ու երբ Ա. Արփիարեան անգամի մը համար կը մոռնայ օտար կեղեքիչը եւ կը ներկայացնէ հայազգի՝ կեղեքիչը, - իր շեշտը նոյնքան զայրացած է, նոյնքան դառն...

Պատմուածքին սկիզբը, ան պատմած է, թէ ինչպէ՛ս գործատէրը իր ծառաները կանչած եւ սանդուխներէն վար հրել-նետել տուած է ծեր բանուորը...

1. Բանուորը ինքզինք սանդուխին տակը գտաւ, առանց հասկնալու պատահածը: Ֆէսը դեռ ձեռքն էր, մուճակին մէկը՝ հոս, միւսը՝ հոն. գաւազանն ալ վարը՝ գետինը:

Քեռորդին՝ շէնքին մուտքին՝ աթոռակի մը վրայ նստած էր եւ դռնապան Միմոնին հետ կը խօսէր: Ադմուկը լսելով՝ երկուքը միասին ներս վազեցին, ծերուկին վիճակը տեսան. հասկցան, որ վերը ծանր բաներ պատահած ըլլալու էին: Յուպը, մուճակները վերցուցին. դռնապանը խեղճը առաւ հետը տարաւ, խահուէի օճախին առջեւ նստեցուց, քեռորդին ալ՝

1ա. Գրագէտը այս զրկեալ մարդոց միջեւ ի՞նչ փոխադարձ վերաբերում կը տեսնէ, կը շեշտէ եւ կը ջանայ քաջալերել:

քովը: Մեյմէկ սուրճ եփեց ու տաքուկ հրամցուց. Թորոսին սիկարէթ մըն ալ տուաւ:

Մարդը եղածը պատմեց երկու բառով, հեծկլտալով: Գռնապանը ակռաները կը կրճտէր² Գասպար աղային դէմ. գայն լա՛ կը ճանչնար:

Թորոս աղբարը հազիւ կէս ժամէն գտաւ ինքզինք: Մեկնած ատեն սուրճին դրամը ուզեց վճարել, բայց դռնապանը չառաւ. ինք ալ օրհնէնք մը տուաւ ու քեռորդիին հետ ճամբայ ինկան դէպի պանդուխտներու կացարանը:

- Վահշինէր³, - կը մռլտար Սիմոնը. - ասոնք քիւրտերն ալ, տաճիկներն ալ փնտռել կու տան:

2. Պոլսոյ մէջ Գասպար ճամառեան էֆէնտին, աղբատութենէ սկսած, արագօրէն հարստացած էր շինարարական գործով:

Բայց այդքան մեծ հարստութիւն՝ ան կը պարտէր մասնաւոր հնարքի մը. շարունակաբար հինգ-վեց հարիւր հայ գործաւոր կը բանեցնէր, ու տարիներէ իվեր՝ ասոնց շահուն մէկ մասը վար դրած էր՝ ամէն մէկուն հետ երեսունէն մինչեւ յիսուն ոսկի «անկախ հաշի» մը թողելով: Այսպէս բացէն՝ տարեկան կ'ապահովէր 2000 ոսկի յաւելեալ եկամուտ, որ կը նկատէր իր «արդար վաստակը»:

«Աղայական պարտքի» այս տոմարին մէջ, Թորոսը եւս քառասուն ոսկի առնելիք ունէր: Հիմա՝ ա՛լ հիւանդ, տագնապի մէջ, ան յիշած էր այդ առնելիքը՝ «*ծովը ինկողը օջիւն կը փաթթուի*» մտածելով: Խեղճ հայաստանցի միտքէն չէր անցուցած, թէ Գասպար աղային քով նոյնիսկ օձին չափ գութ պէտք չէր փնտռել...

3. Վերադարձին, Թորոս աղբարը ոտքի վրայ կենալու կարողութիւն չուներ: Տաքուկ բան մը խմելով՝ անկողին մտաւ: Յաջորդ առտու չկրցաւ տեղէն ելլել: Երկրացիները⁴ գացին՝ դարմանատունէն տոքթոր Գարեգինը բերին:

Բժիշկը յանձնարարեց հիւանդը անմիջապէս փոխադրել ազգային հիւանդանոցը՝ «Սուրբ Փրկիչ»:

Ծերը, հազիւ «Փրկիչ» անունը լսած՝ աղաղակեց.

1բ. Գռնապանը՝ մասի վերջաւորութեան՝ ի՞նչ ցնցող բաղդատութեամբ կ'արտայայտէ իր բարկութիւնը: Գրագէտը ասով ի՞նչ կ'ուզէ փոխանցել ընթերցողին:

2. Ճամառեան էֆէնտիին մասին խօսած ատեն, գրագէտը ի՞նչ շեշտով կը գործածէ *անկախ հաշի* եւ *աղայական պարտք* արտայայտութիւնները: Անոնցմով ի՞նչ զգացում կ'արտայայտէ:

3ա. Հոս ի՞նչ քննադատութիւն կ'ըլլայ ազգային հիւանդանոցի հասցէին:

3բ. Իսկ երիտասարդ



- Աղէկ եմ, աղէկ, բանի՛կ մը չունիմ:
- Աղէկ ես, աղէկ, բան մը չունիս, ե՛ս ալ կը տեսնեմ,- մեղմ պատասխանեց բժիշկը,- բայց քանի մը օր Հիւանդանոց մնալու ես, որ շուտով ոտքի ելլես:
- Ա՛խ, Էֆէնտի,- ըսաւ հիւանդը հեծկլտալով,- Հիւանդանոց գացող դարիպը հոնկէ ոտքովը դուրս չ'ելլար. դագա՛ղը կը հանեն:

Երիտասարդ բժիշկը, ձեռքը մօրուքին՝ մտմտալ սկսաւ: Պոլսոյ բժշկական վարժարանէն այդ տարին շրջանաւարտ, երկրորդ անգամն էր՝ «Փրկիչ» փոխադրում կը պատուիրէր պանդուխտներու: Ու երկու անգամին ալ անոնք դող ելած էին լսելով պանդուխտներու համար հիմնուած ազգային հիւանդանոցին անունը...

Բայց այդ անկիւնը հիւանդ չէր կրնար մնալ: Գետնին վրայ նեղկուկ սենեակ մը, երկու յարկի բաժնուած. մէկը՝ վերեւ, միւսը ստորեւ: Իւրաքանչիւր յարկի վրայ վեց անկողին, քով քովի: Հայ բժիշկը դժուարութեամբ շունչ կ'առնէր: Քիչ մը անդին, օճախի մը վրայ, լուբիան եփելու դրուած էր. գործատու մը նստեր՝ սոխ կը ջարդէր. ածուխին հոտը դեռ ծանր էր. ու խեղճ պանդուխտներու արտաշնչումը⁵ այդ բոլոր հոտերը միացրնելով՝ կը ստեղծէր ապականած⁶ մթնոլորտ մը, որ լեզուին մէջ անուն չունի...

.....

4. ... Հօրը մահուան լուրը առածին պէս, մայրն ու պառաւ մամը իրենց սուգին հետ մինակ ձգելով, Մելքոնը ելաւ՝ Պոլիս եկաւ: Հայ գեղացին պարապ ատեն չունի, որ նստի իր մեռելը լայ: Սուգը ունեւորին կը վայլէ, պերճանք է:

Իրենց պապենական վաշխառուն երեք ոսկի եւս տուաւ, ճամբու ծախքի համար. «Հօրդ քովէն շա՛ր փարաւ ելեր է,- ըսաւ,- պարտքերնիդ ա՛լ փալու էք»: Արտը պիտի գրաւեր՝ եթէ պարտքի ուշացած մասնավճարը ամիսէ մը չտային...

5. Պոլիս հասնելուն, երկրացիները գացին զինք շոգենաւէն առին՝ իրենց տեղը տարին: Հօրը անկողինը դեռ անանկ կը մնար, իրեն տուին:

բժիշկը... Ի՞նչ լոյսի տակ կը ներկայացուի ան. ի՞նչ է գրագէտին վերաբերումը անոր հանդէպ:

3գ. Խանի աղտոտ սենեակին նկարագրութիւնը ինչո՞վ գութ արթնցնող է. ինչպէ՞ս սակայն կը մնայ գուսպ եւ փափկանկատ:

4. Գրագէտը ի՞նչ կարճ, սուր եւ կծու խօսքերով կը գծէ գիւղացիին վիճակը: Իսկ *պապենական* ածականը ինչպէ՞ս գործածուած է. ի՞նչ շեշտով...





Երբ սուգի լացը լմնցաւ, անցած դարձածները իրեն պատմեցին. Գասպար աղային անօրէնութիւնները⁷, հօրը հիւանդութիւնը, Փրկիչ փոխադրուիլը: Փրկիչ տարուելէն քանի մը օր ետք՝ գացեր հիւանդը փնտռէր, տեսնել ուզէր էին. երկրորդ օրը արդէն՝ մեռեր է եղեր: Վրան տասը ոսկի գտնուիլը գիտէին, ուզէր էին, բայց մերժուէր: Հիւանդանոցը ձրիաբար դարմանուող դարիպներուն վրայէն ելածը հիւանդանոցին կը մնայ եղեր...

Ատ իրիկուն Մելքոնը բերանը բան չդրաւ: Երկրացիներուն քով, աթոռակի մը վրայ նստած, կը մտմտար: Գնա՛ց, արտը գնա՛ց: Հիմակ անդին Երկիրը *զալալ*-*լը*⁸ մարն ու մամը ո՞րը պիտի լային. մեռելնի՞ն, դարիպնի՞ն, չէ՞նէ արտերնին... Եւ ի՞նչ պիտի ուտէին, ինչպէ՛ս ապրէին...

- Ա՛խ, Աստուած, ա՛խ,- կ'աղաղակէին պանդուխտները, երկինք՝ պսպղուն աստղերուն նայելով,- աս մի՛նչեւ ե՛րբ պիտի քաշենք: Երկիրը մեր ազգէն Հայ քրիստոնեան է որ օձի պէս վզերնիս կը փաթթուի, հողերնիս, տուներնիս, ունեցածնիս-չունեցածնիս ձեռքերնուս կ'առնէ: Հո՛ս Ստամպոլ՝ մեր ազգէն Հայ քրիստոնեան է որ *հախերնիս*⁹ կ'ուտէ, մեր *փարսայով* մարդ կ'ըլլայ, ու մեզի դարիպութեան մէջ հիւանդանոցները կը մեռցնէ: Ա՛խ, աս մի՛նչեւ ե՛րբ...

6. Երկու բանուորները, որոնք Թորոսը հիւանդանոց փոխադրած էին, առտու մը նոր լաթերով¹⁰ Մելքոնը առին տարին Ղալաթիա, ճարտարապետին:

Գասպար Աղան ներսն էր, մի՛նակը: Մելքոնը դուրսը կայնեցուցին, իրենք մտան:

Աղան այցելուները լաւ ընդունեց. ասոնք առաջնակարգ գործատրներէն էին, *խաթիր* ունէին¹¹: «Ընտո՞ր էք»¹² մըն ալ հարցուց:

Երբ Թորոսին անունը լսեց ու տղուն գալը իմացաւ, ճարտարապետը ջղայնացաւ, քիթ-բերան ծռմռեց: Առաջարկը լսելով՝ դժկամութիւնը¹³ քիչ մը նուազեցաւ, ու վերջապէս զիջում ըրաւ՝ «*խաթիր*նուն համար»: Նուազ տարիքոտ վարպետը ուրախութեամբ ելաւ՝ դուռը բացաւ, Մելքոնը ներս մտցուց:

Տա. Ի՞նչ առաջին մեղադրանք եղած էր արդէն ազգային հիւանդանոցի հասցէին. իսկ հոս ի՞նչ երկրորդ մեղադրանք կ'ըլլայ: Բացատրէ՛ մէկուն եւ միւսին ծանրութիւնը:

Տբ. Պանդուխտները իրենց ո՞ր խօսքերով կ'ամբաստանեն հայ վաշխառուն եւ հայ դրամատէրը. անոնց ո՞ր արարքներուն համար:

6. Հոս գրագէտին բարկութիւնը ինչպէ՞ս ստեղծած է շատ ուժեղ տեսարան մը: Ընդգծէ՛ այդ ուժգնութիւնը՝ քննելով Գասպար աղային եւ բանուորներուն փոխադարձ կեցուածքը եւ խօսքերը:

ԲԱՅԱՏՐԵԼԷ ԵՏՔ

1. Ամփոփ՝ նշէ՛ ընկերային





Տեսարան
Գ. Սունդուկեանի
«Պեպո»-էն,
շարժանկար Յանօ
Բեկնազարեանի,
1935:

- Հայտէ՛, աղային փէշը պա՛գ¹⁴ տէ՛ աղօ՛քք ըրէ. քեզի գործ պիտի տայ, հինգ դուրուշ օրականով:

- Շա՛տ է, շա՛տ,- գոչեց աղան:

- Աման աղա՛,- պաղատեցան,- անդին պիտի դրկէ, ասդին պիտի ուտէ, պարտք պիտի տայ... սեպէ *քի* նուէր կու տաս կոր:

- Էյ *քէ՛ք* աղէկ,- ըսաւ աղան վեհանձն շեշտով:

Սեւրոնը բարձր հասակը խոնարհեցուց, նորէն շիտակ կանգնեցաւ եւ բարեւ բռնած՝ կեցաւ աղային առջեւ:

- Ամա, հօրդ պէս ապերախտ պիտի չըլլաս,- մռմռաց աղան.- մեռե՞ր է, հա՞՞:

- Հրամմեր ես, աղա՛,- պատասխանեց տղան:

- Էյ հայտէ՛, վարպետներուն *խաթրիկն* համար՝ կը ներեն...

անարդարութեան պարագաները՝ - Մաս 1ի մէջ (աւելի առաջ պատահած).

- Մաս 2ի մէջ.

- Մաս 3ի վերջը.

- Մաս 4ի մէջ.

- Մաս 5ի մէջ.

- Մաս 6ի մէջ:

2. Մինչեւ Ե՞րբ եւ Պանդուխտի Տունդարչը

(Սեւրոն Կիրճեան-Հրանտ - Գիրք 1): Ի՞նչ են տարբերութիւնները - նիթի ընտրութիւն, պատգամի ուժգնութիւն...

1. Քրօջը որդին:

3. Գազաններ:

5. Ներշնչելէ ետք՝ թոքերէն հանած օդը:

7. Չարագործութիւնները:

9. Իրատունք (բարբառային):

11. Մէկուն մօտ արժէք, համարում ունենալ:

12. Ինչպէ՞ս էք:

14. Համբուրէ՛:

2. Մեծ բարկութիւն զգալ (ակնաները սեղմել):

4. Հայրենակից:

6. Անմարտ:

8. Խեղճ, անօգնական (բարբառային):

10. Հագուստ:

13. Դժգոհութիւն, մերժելու տրամադրութիւն:



ԼՍԱ-ՏԵՍՈՂԱԿԱՆ ԱՐՁԱԳԱՆԳ

- Դիտե՛ք էջ 6ի «Քարիւղի Տղան», ապա՝ «Գիքոր»ը պատկերազարդող նկարները - ֆիլմի լուսանկար, քե գեղանկար: Դուք ինքդ հաւաքե՛ք նկարներ, որոնք կը փոխանցեն նոյն պատգամը.- Աշխատանքը յաճախ, դադրելով ըլլալէ բարիք, մարդոց իսկ ձեռքով վերածուած է իրար դժբախտացնելու, տառապեցնելու ձեւի:

- Այդ լուսանկար-գեղանկարներով՝ պատկերազարդե՛ք էջ 23ի շարադրութիւնդ:

Արփիար Արփիարեան (1852-1908)



Ծնած է Սեւ Ծովուն վրայ, նաուու մը մէջ, որմով ծնողները Ակնէն Պոլիս կ'երթային: Ուսումը ստացած է Վենետիկ, Սխիթարեան վանքին մէջ:

1884էն, Պոլիս, վարած է «Արեւելք» եւ «Յայրենիք» թերթերը, որոնք կարելոր դեր պիտի խաղային արեւմտահայ լեզուի եւ գրականութեան զարգացման մէջ: Խմբագրած է այլ թերթեր ալ, ու աշխատակցած՝ շատ ուրիշներու - նախ՝ Պոլիս, եւ 1896էն ետք՝ արտասահման, յատկապէս՝ Եգիպտոս եւ Անգլիա:

Եղած է քաղաքական գործիչ: Ատեն մը՝ գործած է իբր ազգային երեսփոխան. մասնակցած է նաեւ յեղափոխական գործի, Պոլիս քե արտասահման, իբր Յնչակեան ղեկավար:

Գրած է պատմուածքներ եւ վիպակներ, որոնցմէ ամենէն ծանօթն է «Կարմիր ժամուց»ը:



Լեզուական-Գործնական Աշխատանք

1. Ճշդե՛ք ազգականական կապ ունող հետեւեալ բառերուն իմաստը.

օ քեռայր օ քեռորդի օ հօրեղբորորդի օ զարմիկ օ զարմուիի օ քեռկիւն օ ներ օ տալ օ տազր օ զոքանչ օ աներ օ կեսուր օ կեսրայր օ հարս օ փեսայ

2. Երեք շարք բառերէն հանե՛ք արմատը, որ նոյնն է. գրե՛ք անոր երեք տարբեր իմաստները.-

օ քանուոր - քանիլ

- Առաջին իմաստ.-

o պատրաստարարան - բանբեր

- Երկրորդ իմաստ.-

o տրամաբանություն - բանիմաց

- Երրորդ իմաստ.-

3. Վարի նոյնարմատ բառերը տեղադրել՝ հետևող նախադասություններուն մէջ.-

o բանական o բանատր o բանագողություն o բանագնաց o բանակցություն o պատճառաբանություն

- Եթէ պատճառ ունէիր հրաժարելու, ըսէիր. որեւէ

մարդ պիտի հասկնար եւ ընդունէր բացատրությունդ:

- Իր մերժումը արդարացնել փորձեց անորոշներով:

- Դուն պիտի ըլլաս մեր եւ վստահ ենք, որ լաւապէս պիտի ներկայացնես մեզներուն մէջ:

- Լուրջ գրագէտ մը երբեք չ'ենթարկուիր ընելու փորձութեան:

4. Գործածել՝ յարմար նախադասութեան մէջ՝ տալով ճշգրիտ իմաստը.-

o փոխադրել o փոխանցել o փոխանակել o փոխարինել o փոխադարձել

- Դուք պատգամըի՞ք պահակներուն. այո՞: Բայց անոնք չէին կատարած մեր հրահանգը՝ հին տուփերըու նորերով եւ կառքով զանոնքու մինչեւ ծովափ:

- Ձեր ընկերներուն հանդիպեցաք, դրոշմաթուղթի շարքերիք, եւ իրենց մաղթանքներունիք նոյնքան ազնիւ ձեւով:

5. Բերանացի բացատրել՝ ամէն մէկ բառի իմաստը. ապա գրաւոր կազմել մէկական նախադասութիւն.-

o ազգայնական o ազգագրական o ազգամիջեան o միջազգային o համազգային

6. Գործածել՝ բոլոր բառերը, ամէն մէկը՝ իր տեղը.-

ա- ցուպ եւ մական

բ- համառօտք եւ կտրուկ

գ- հեկեկոց եւ լաց

դ- օրհնություն եւ մաղթանք

ե- պարունակություն եւ բովանդակություն

ա. Կրօնական պետի եւ հովիւիը երկուքն ալ «հօտ» կը վարեն - բայց այս բառին տարբեր իմաստներով:

բ. Սպան շեշտով հրահանգեց, որ մէկ վայրկեաննոց
..... գեկուցում մը տամ:

գ.ի ձայն չէր լսուեր. երբեմն միայն զսպուած մը կը
հասնէր ականջին:

դ. Մամիկը պզտիկներուն ջերմեռանդներ կու տար, իսկ մեծերը բարի
տարուան մըներ կը փոխանակէին:

ե. Մտքինը կը նմանցնեն ամանի մը
.....եան. բայց ասիկա պարզ բաղդատութիւն մըն է:

- 7. Գիր դէմ դէմի՝ ասոյթ** (ասոնց տեղը ճշդուած է դասին մէջ) **եւ բացատրութիւն.**-
- **Ասոյթ.**- ակռայ կրճտել (մաս 1) օ փնտռել տալ (1) օ բացէն եկամտատ ապահովել (2)
օ դող ելլել (3) օ իրաւունքը ուտել (5) օ քիթ-բերան ծռնել (6)
- **Բացատրութիւն.**- վախնալ օ անիրաւել օ դժգոհիլ օ (ուրիշէ մը) աւելի գէշ ըլլալ օ
զայրոյթ զգալ օ անարդար-անաշխատ շահ ընել

8. Շարադրութիւն

ա. նիւթ.-

- Հեղինակը բարեկամի մը ամփոփ ձեռով կը գրէ Թորոսին դժբախտութեան մասին, իբր
ականատես՝ պանդուխտներու կացարանին վիճակն ու հոն պատահածները, իսկ միւս
տեսարանները՝ իբր թէ քաղելով գիղացիներու պատմածներէն: Գէպքերու պատումէն
անդին՝ փորձէ՝ իր փոխարէն «զգալ» եւ վերարտադրել զգացումները՝ գտնելով յարմար
շեշտ ու եղանակ:

բ. նիւթ.-

- Երեսակայէ՝ դատավարութիւն մը, երկրի մը մէջ, ուր բաւական արդարութիւն կայ՝
Մելքոնի բողոքը գոնէ լսելի ընելու չափ: Գրելիքդ՝ գիղացիներու փաստաբանին
ամբաստանագիրն է. ամուր եւ լաւ մտածուած գրութիւն մը, որ բոլոր ձեւերով պէտք է
օգտակար ըլլայ պաշտպանեալներու: